



Шормо эл, порымлык да гыш берг!

47-ше (3331) №,
2017 ий 18 ноябрь,
шуматкече.

ЯМДЕ-ЛИЙ

1933 ий 1 февраль годсек лектеш.

0+



Вашкыллан ўшанена

Пагалыме ача-ава, коча-коча, йоча-влак! 2018 ийын икымше пелий-жылан подписке умбакыже шуйна. Марий Элыште, Башкортостан-ыште да Татарстаныште илыше-влак, «Почта России» каталогым ончыза! Газетын акше – 298 тенгеат 80 ыр.



ЛОТЕРЕЙЫШ УШНЫЗА!

Тўн приз – СКЕЙТБОРД.

Моло чапле пөлек-влак: 100 чупа-чупс, ўстембал модыш, чай-горка, энырвоштыр, книга – куандарат.



Рекламе.

– Ўдыр-влак, газетнам кучыза, ончалза! – Оршанке район Кугунур школыш мийымына годым икымше радамыште шинчыше йоча-влаклан «Ямде лийым» шуялтышна.

– Ай, могай тудо мотор, тўрлө чиян! – Виолетта Купсолъцева, Алина Уткина, Аня ден Настя Кудрявцевамыт (снимкыште), газетым икымше гана кидышкышт налшыштла, семынышт юарлат. Коеш, тўрлө тўсан газет изи ўдыр-влаклан пеш келшыш. Савыркален, икте-весылан ончыктен да куанен лаштыклат. Ончыкыжым марла йоча газетын кажне номержым шергалаш манын, туныктышышт-влак И.К.Ведерникова да З.В.Лебедева дене пырля подпискым ышташ сўрышт.

Л.ГРИГОРЬЕВА.

Авторын фотожо.

Сўрымыштым шуко вучаш ыш логал: кызыт Кугунур школ редакций гоч шым экземпляр газетым налеш. Икмыняр тунемшын сылнымут пашаже «Ямде лийыште» лектын.

18-19 ноябрьыште Йошкар-Олаште йолын коштмо спорт туризм дене Марий Эл Республикын чемпионатше эрта.

26 ноябрьыште 12 шагатлан Российыште да йот эллаштан «Географий диктант» акция лиеш. Тушко кажне кумылан ег ушнен кертеш.

23 гыч 25 ноябрь марте Марий Эл Республикыште «Ший памаш» регион-влак кокласе V фестиваль-конкурс эрта. Тушто финн-угор калык-влакын эстраде мурыштла йонгалтыт.

«Ямде лийым» лудса!



Увер выр-выр



Курчак-влак, рын лийза!



Курчакым йоча-влак веле йоратат, шонеда? Уке, кугыен-влакат курчаклан моткоч шўман улыт. Шке кид дене ыштыме курчак-влак Йошкар-Олашке, «Марий вургем пайрем унала ўжеш» регион-влак кокласе конкурсышко, Российын тўрлө кундемже гыч толыныт.

Медведево район Руэм школысо 2-шо «В» классыште тунемше-влак Йоча тоштер-ончер рўдерысе выставкыш миеныт да курчак-влак нерген шуко пален налыныт. Мутлан, ожно курчакым куэ кумыж, мочыла, пу панга, куэм, кукуруз шўм гыч ыштеныт. Ончен кошташ моткоч онгай ыле!

Л.ИВАНОВА.



Авторын фотожо.

Курчаклан чурийым сўретлен огытыл, уке гын, чон пура, шоненыт.

Увер Иквереш кангашеныт

Йочан праважым аралыше кугыен-влаккан «Шап» каныме базыште туныктымо мастерской пашам ыштен. Тудо «Компас прав ребѣнка: инициатива – просвещение – практика» проект негызеш эртаралтын. Кугыен-влак икте-весыштын паша опытышт дене палыме лийыныт, йочан праважым аралыме шотышто шинчымашыштым келгемденыт, тўрлө неле йодышым иквереш лончыленыт. Марий Эл Республикыште айдемын праваж шотышто уполномоченный Л.Н.Яковлева нунын дене вашлийын мутланен.

Л.ЛОСКУТОВА,

Йошкар-Оласе «Шонанпыл» йоча да подростко-влакын ушем вуйлатыше.



Марий кугыжаныш университет оласе школлаште 9-11-ше класслаште тунемше-влаккан «Молодое перо» конкурсым визымше гана увертарен. 22 ноябрь марте пашадам колтыза. Уверым www.marsu.ru сайтыште ончыза.



Историйым шергалына

1942 ий 18 ноябрьште 7 шагатат 30 минутлан «Катюша»-влакын лўйкалымышт дене 80 минуташ артподготовко тўналын. Гитлеровец-влакын обороныштым иканаште 3500 орудий шалатен. А 8 шагатат 50 минутлан совет войска-влак Кугу Отечественный сарыште кугу вашталтышым ыштыше «Уран» операцийыш тарваненыт.

Арбуз кече

Мый Советский посёлкысо 3-шо номеран школышто 4-ше «Б» классыште тунемам. Школна кугу, йонгыдо. Тушто пеш сай туныктышо-влак пашам ыштат. Кажне арнян онгай мероприятий эртаралтеш. Шукерте огыл 4-ше классла коклаште «Арбузник» конкурс лийын. Ме кечывал велне кушшо саска нерген тўрлө онгайым пален налынна. Сенышыш 4-ше «А» класс лектын. Нунылан пөлеклан кугу арбузым кучыктеныт.

Аня ЯМИДАНОВА.



Мотор ола

Шыже каникуллан мый йолташ-влак дене Казань олашке мийышым. Ме Кремльым ончышна, Сенымаш паркыш да Национальный музейыш пурышна. Мыланна эн чот метро келшыш. Казань ола пеш мотор! Ончыктен коштыктымыштлан туныктышо да ача-ава-влаккан кугу таум каласена.

Ирина МИХАЙЛОВА.
Татарстан, Агрыз,
Пелемеш.

Классыште 11 йоча тунемына (снимкыште чылан огынал). Рвезыже кумытын веле улыт. Туге гынат нуно ўдыр-влакым эре арален налыт, полшат. Тиде сай койышлан класс вуйлатышына

Олимпиада Алексеевна туныкта. Мемнам поро чонаным, вашла полшаш ямде улшым, чын йолташым ужнеже.

Морко, Арын.

Келшен илена



Эдита АЛЕКСАНДРОВА.

Акаж гай лийнеже

Александра Иванова (**снимкыште**) – Советский район Кодам тун школын ик эн тале спортсменкыже, 8-ше классыште тунемеш. Кокымшо классыште тунеммыж годым куштылго атлетикилан шумангын. Спортын тиде видшым ойырен налын. Ече дене кошташ келша. Йоратыме дистанцийже – кум менге. Александром физкультурым туныктышо А.А.Гусев тренироватла. Самырык спортсменке ий гыч ийыш сенгымашыж дене куандара: ГТО нормативым кукшын слатлен, шортньо значок дене палемдалтын. «Мый Настя акам гай тале спортсменке лийнем. Тудо мыланем пример. Акам куржталеш, футбол дене модеш», – оила Александра.



Н.СЕМЕНОВАН фотожо.

Спорт увер

Тренер-преподаватель И.Г.Кадыровым шарныме лумеш вольный кучедалмаш дене IX Открытый республиканский турнир Шернур посёлкышто эртен. Танасымашке Татарстан, Чуваш республикла да Киров кундем гыч команде-влак ушненыт. Марий Элын чапшым Шернур, Советский, Кужнер, У Торъял районла гыч спортсмен-влак араленыт. 16 ияш марте 128 удыр-рвезе вийкуатшым терген.



Футбол могай элыште шочын?

Шернур район Мари-сола школышто олмыктымодеч вара спортзалым почмо. «Единая Россия» партийын «Йоча спорт» федерал проектше кумеш спорт арверым наледыме, кугу критик олмыктымодеч посна куан омылым ыштыме.

В.Г.Белинский ойлен: «Тазалык деч посна куан уке». Ик ойлончышто мыняр чынлык!

Спортын могай видыштыже япон йылме кучылталтеш?



Спортын могай видыштыже тура луйкалыман да ече дене писын куржман?



Тазалык куаным конда

Спорт – айдемын илышыштыже эн ушан энергыш. Мезэрыкан элыште илена. Тазалыкым пенгыдемдаш, спорт дене кылым кучаш чыла йон уло. Таза айдеме илышыштыже сенгымашке шуэш, элнан ончыкылыкшо верч тырша. Таза ег йочажланат чын корным ончыкта. Тидым чылан огыт умыло. Арака, тамак, турло аяр дене капкылыштым лунчыртат, шкаланышт энтеким, лишыл еныштлан ойгым кондат.

Элина НИКОЛАЕВА.
Морко, Коркатово.

Провой кундем 1-ше номеран Красногорский школ гыч возат.

Кенезым

Кенеж каникул годым кастене йолташ-влак дене турло модыш дене модынна, велосипед дене кудалыштына. Шке коклаштына спорт танасымашым эртаренна.

Саша МАКАРОВ.

Кенеж мучко мый йолташ-влак дене футболла модынам. Яльчик ерыш йуштылаш коштынам. Шокшо кече годым кечеш куйнам. Чыла тиде тазалыкым пенгыдемда, шонем.

Максим СМОЛЬНИКОВ.

Боксышто жап деч ончыч сенгымаш (чистая победа) кузе маналтеш?



Йоратыме модышем шахмат

Шахмат дене модаш мыйым ачам Алексей Николаевич тунныктен. Каныш еда монгышты Дима изам дене учашен модына. Шукыж годым изам сенга. Пырля тунемше йолташем-влак денат классыште чучкыдын танасена (**снимкыште**). Изирак класслаште тунемше-влак коклаште икмыняр гана сенгыше радамыш логалынам. Умбакеже йолташ удырем-влакым тиде модышлан кумыландаш шонем.

Ксения ЧЕТКАРЁВА.
Шернур, Кукнур.



Мый кокымшо ий шахмат кружокыш коштам. Тудым Ольга Викентьевна Тимофеева вуда. Танасымаштат лийынам. Тений сенгыше-влак радамыш логалаш шонем.

Екатерина РАССАНОВА.

Морко, Коркатово.





Мо тугай «Сылнымут шыже»? Тиде Марий Элысе писатель ушемн эртарыме семинарже. Сылнымутлан шўман ен-влак: тунемше, студент, илалше – тений 10 ноябрьште чумыргыныт. Медведево район Руэм школ гыч ятыр йоча лийын. Писатель-влак: поэт Геннадий Смирнов, Валентина Изилиянова, Игорь Попов, прозаик Юрий Соловьев, Павел Шулепов, Елена Юнусова – секцийлаште (рушла да марла) паша-влакым лончыленыт, акым пуэныт.

Тенгечысе деч сайрак возаш



Мария МИЛЮТИНА

Шернур район Койсола школын 3-шо классыштыже тунемеш. Семинарыш «Петина мечта» ойлымашым конден. Мо нерген? Петян Африкышке пеш чот кайымыже шуын, но... шонымаш шукталтше манын, лу прививкым ыштыман. А Петя укол деч ай чот лўдеш! Шоныдымын-вучыдымын ачажлан Париж гыч ўжмаш толеш. Тыге изи рвезе путешествийыш кая.

– Мечтатлаш кўлеш! Кугу шонымаш кунам-гынат шукталтеш, – ойла аваже.

Изи ўдырын суртыштыжо пий, пырыс, попугай, черепахе илат. Нуно ончыкылык йомакын я повестыын геройжо-влак улыт. «Серышем вучыза! Колтем», – мане Мария (снимкыште).

Олеся ШАБДАРОВА

(Шернур район Марисола школ) кок почеламутым аклаш темлыш. С.Г. Чавайн лўмеш кугыжаныш премийын лауреатше, поэтессе Валентина Изилиянова (снимкыште коктын) тўналше авторым мокталтыш: «Ритмым, рифмым пала да шукта. Мутым шижеш».



«Визытан» дневникым муо» мане ойсавыртышет пеш келшыш, Олеся».

Л. СЕМЕНОВА.

А. УСОЛОВАН фотожо-влак.

Илышыште полша

Шочмо йылме гоч уло тўня почылтеш, тудо моло предметым куштылгын тунемаш, келге шинчымашым налаш полша. Мыят шочмо марий йылмем куанен тунемам. Кажне йоча шочмо йылмыжым палышаш да аклышаш.

Оля АЛЕКСЕЕВА.
Морко, Эгерсола.

Марий Элем –
Шочмо кундемем,
Тыйым эре
Шўмыштем ашнем.
Кеч-куш каем,
Мўнгеш пўртылам.
Улат мылам
Порсын
кумылан авам.

Андрей НИКИФОРОВ.

Волжский,
Кугу Корамас.



Морко район Семисола ялыште илыше Галина ковам да Вячеслав кочам дек кошташ пеш йўратем. Каникул жапыште ковам Семисола библиотекеште эртыше «Марий касыш» вўден нангайыш.

Библиотекарьлан Алевтина Михайловна Огурцова ышта. Тудо касым пеш устан вўдыш. Библиотеке пелен изирак музей уло, ковам шондык гыч «Кугезе мланде» ансамбльыш коштмо марий вургемым лукто да мыланна чиктыш. Чыланат йўксў гай койна, марла куштышна, мурышна, йыдал денат модна.

Медведево, Руш Кукмарий.

Арина БЕЛОВА.



МАРИЙ КАС

Талант лўддымў лийшаш.
Валентин Косоротов.

Икымше книга эн шергакан

Шернур кундемыште ятыр лүмлө ег шочын-кушкын. Самырык тукум нунын тўналме пашаштым умбакыже шуя. 2-шо номеран Шернур школын 4-ше классыштыже тунемше Катя Григорьевам (**снимкыште**) налаш. Шукерте огыл Катян «Мои мечты» икымше книгаже савыкталтын. Тушко почеламут, ойлымаш-влакым пуртымо. «А.Ф.Конаков лўмеш ончер-тоштер пелен литератур ушем (вуйлатыше Д.М.Рычкова – **авт.**) пашам ышташ тўналмеке, уныкам дене тышке кумылын коштына, – оила коваже Галина Васильевна Козлова. – «Леди Баг и Супер Кот» мультфильмым ончымеке, Катя умбакыже шонен возен. Моло сылнымут пашаже-влакат лийыныт». Катя рушла возкала, но шочмо марий йылме дене сераш кугу кумылжо уло.

Л.ГРИГОРЬЕВА.

Авторын фотожо.



Ўдыр мураш, кушташ мастар. Шернур йоча школ искусствышто усталыкшым шуара. Сўретчын мастарлыкше ачаже Алексей Иванович деч куснен. «Кукольный домик» проектше дене «Яналовские чтения» конкурсышто 2-шо верыш лектын.

Йоратыме туныктышем

Марий йылмым Ольга Фёдоровна туныкта. Тудо урокым пеш онайын эртарат. Ме у мут-влакым пален налына, почеламутлам тунемына, лудына, возена, сўрет-влак дене пашам ыштена, мурым мурена, физкультминутко годым марла кушталтенат колтена. Туныктышына марий йылмым умылаш, марий улмына дене кугешнаш туныкта.

Юлия БУТОРИНА.

Медведево, Знаменский.



Ялем

Ондропсола ялем Ировка энгер воктене верланен. Ялна кугу, сўрал. Ялыштына кок кевыт уло. Сатулан торашке каяш огеш кўл. Калыкна пеш поро да пашаче. Мотор да кугу пўрт-влакым чонат. Ял воктенак садеран отым ужаш лиеш. Тушто Пеледыш пайрем эртаралтеш. Ото воктенак кугу стадионым олмыктен шындыме. Ынде тушто кугыен-влак веле огыл, йоча-влакат тўрлө модыш дене модын кертыт.

Рома ВАСИЛЬЕВ.

Параньга район.

*Йоратем,
кө тўняште
усталыкше
дене*

*Тырша
сылнылык
верчын эре.
Геннадий
ОЯР.*



Шочмо йылме

Кажне егын шочмо йылмыже уло. Кугезе коча-кована-влак йылме пояныкыштым ача-аваланна пўлекленит, а ача-авана – мыланна. Ме шочмо йылмынам умбакыже шуйышаш улына. А илышыште чўккыдын вес сўретым ужаш логалеш. Олаште веле огыл, ялыштат шукужым рушла кутыраш тўчат. Тыге кажне ийын марла мутланыше калыкна шагалемеш.

Айдеме кеч-кушто лиеш гынат, шочмо вержым, йылмыжым мондышаш огыл.

**Андрей ЯНГАБЫШЕВ,
5-ше класс.**

У Торъял, Тошто Торъял.

Кодшо



арнян Медведево

район Кузнецово селасе

«Улыбка» йочасадыште Марий Элын

шочмо кечыжлан пўлеклалтше эрвоным эрта-

рышна. Марий вургемым чийыше йоча-влак

Марий Элна нерген сылне почеламутым каласка-

лышт, мурым мурышт да кушталтен ончыктышт.

Н.ВАСИЛЬЕВА, воспитатель.

Шочмо калыкемым йоратем,
Шочмо йылмемым пагалем.
Авай гай улыт мыланем,
Нуным эреак шарналтем.
Шинчасортала арален,
Нунын дене кугешнем,
Нунын дене чапланен

илем,

Да эреак моктен возем.

Евгения ВАСИЛЬЕВА.

Волжский, Сотнур.



Авторын фотожо.



Мыскара странице

Марий ден каза-влак

Басне

Илен улмаш ик марий,
Тудын лийын кок каза.
Марий нуным кажне кечын
Олыкыш пукшаш волта.
Олыкышто каза-влакым
Шкетыштым кодаш лудмаш,
Йырым-йыр чодыра-влак
кушкыт,
Тушто пире-влак илат.
Садлан тудо кажне кечын,
Монгыштö пашам коден,
Олыкышто каза-влакым
Пире деч
ванен шинчен.



Тыге шинчымыже годым
Икана мален колтен.
Помыжалт кая – онча:
Нигуштат уке каза!
Лудын торштен кынелеш,
Да чодырашке пеш куржеш.
«Ой, аныра, аныра, аныра
тыге мал(ы)ман мо вара?»
Манын шкенжым чот вурса.
Кас мартеак тыге коштын
Чодыраште тудо шкетын.
Муын огыл каза-влакым,
Монгö пörтылаш пернен.
Мо тугае! Каза-влак
Кудывечыште шогат.
Куаналын марийна,
Нуным пешак шымата.

Мален ит кий тый, марий,
Чак лияш эре күлеш!
Тамле омым ужмет годым
Пого деч посна кодаш лиеш.

Дима АПСАЛИКОВ.
Пошкырт, Мишкан, Ардаш.

Эх, молан ...

Ик кечын изам ойлыш: «Айда чодыраш миен толына».
– А маска лектеш гын? – мыйже манам.
– Мемнан чодыраште могай маска?! – воштылеш изам. Мыят келшышым.

Изиш ошкылна – Мухтар опташ тунгале. «Луддымö» изам тышке-тушко ончыштеш. Семынем шонкалем: «Эх, молан мый Кугу Сергей гай омыл. Маскам, товатат, сегем ыле. Эх, молан мукш омыл. Маскам пүшкылам да утлена ыле. Эх, молан Онар омыл гын. Маскам кучемат, «Тыге ышташ ок йөрö, молан йочам лудыктылат?» манам ыле». Изам ошкылмыжым чарныш. «Маска-а!» – кычкыра-ле да куржаш тунгале. Мый – почешыже. Йолна мландыш ала логалеш, ала уке. Мухтар ок кой. Маска күрышт кышкыш чай.



Кенета ала-кушеч пийна кудал тольо. Ме йывыртышна, чон пурыш. Мухтар адак опташ тунгале. «Чодыра оза мемнам кучынежак», – пелештыш изам. Куржаш вийна уке... Сайынрак ончал колтышна гын, Мухтар кугу-кугу куткышуэм опта улмаш.

Дима АРХИПОВ, 3-шо «Б» класс.
Туныктышо – В.Е.СМИРНОВ.

Морко, Коркатово.

Пире ден Меранлан «Лего» конструкторым пö-лекленыт, но Пире тудым шкаланже поген налын. Кум ий гыч Меранлан ончыкташ конден, да моктана:
– «Лего» атыште «2 гыч 4 ий марте» манын возымо, а мый конструкторым кум ийыште погышым!


Туныктышо колым кучен шинча. Энырышкыже карака иге логалеш. Туныктышо тудым монгеш вудыш колта:
– Пысын монгышкет кай! Ачат-ават деч посна тетла ит логал!

КОНКУРС!

Икана Колюш урок годым парт коклаште шинчышыла мален колтен...

Сүретым чиялтен, мыскарам умбакыже те шуйыза, йоча-влак. Колюшлан могай тамле омо кончен? Возен колтыза. Вучена!

Эн огай мыскаран авторжылан – пöлек.



Пампалче кенез кечын корно
гене каен. Тудо лаштыра кож
йымаке каналташ шинчын.
Умбакыже Пампалче ген кукун
мутланымышт кугу верым налеш.

«ЮГОРНО» эпос почеш

Автор-влак:

Анатолий СПИРИДОНОВ,
Анатолий МОКЕЕВ (марланген).

17-ше мур



«Тый каласе, – ўдыр
йодын, –
Кукуэм, молан, палдаре,
Путырак ойган муретше?
... ..
Мый налам ужар лышташым,
Ломбо укш мучаш лышташым
Да лүнген луктам мурсемым.
Тиде семышке тый ушно –
Муро, шўлыкан мургайык,
Йёслана гын кө, шымате.
Да ит мондо шке ойгетым:
Йүктө тудым шер теммешке
Шўм гыч лекше муро дене».

Куку куд ий
вондерым
куклен, пеле-
далтше мөр ўм-
балне пёртым,
кудыр вьян
ўдырыштлан
пыжашым,
ыштымышт нер-
ген каласкала.
Но лучко талук
шушаш годым
игыштым шучко
курныж, руал-
тен, пеленже

нангаен. Кукулан эрталше пиалан идалык-влакым
шотлаш веле кодын.

Куку:

«А молан, каласе, ўдыр,
Ойло шкеже, Ший Пампалче,
Ўмырет пеледме годым
Шинчаштет чўкталтше шўдыр
Вудакангын, тўтырангын
Да тетла нигөн шинчажым,
Ваш ончал, ок йымыктаре?»

Ший Пампалче арам огыл
ойгыра. Тудым Тўкан Шур
йўкташ толеш. Лўмжө огыл, а
пашаже ўдырым лўдыкта.

Ўдырын каласкалы-
мыж годым пўртўс шыплана. А муро пытымек, кожда
изи капкажым почеш:

Пурса калтаже пуш
лиеш гын, Пампалче индеш
эгер вес веке кая ыле; ош
шовыржын писе шулдыржо
лиеш гын, латкок курык вес
веке чонешта ыле.

«Курж тышеч вашке, Пампалче,
Йыме, шыл ужар чашкерыш!»

18-ше мур

Тўналтыште сўан толмо сўретым ужына.
Пампалче пўйжым киш дене леведын, шовыч дене
ўмылалтын, корно тўрыштө тулар-влакын толмыш-
тым ончен шога. Теве Вуверкува лишемеш:

«Тыйже куш, кувай,
вашкет пеш?»
«Эй, ньога, коран корнем гыч,
Мутланаш йөршеш ом ярсе.
Канашат ом керт шогалын!
А вашкем мыят сўаныш,
А куржам йўкташ оръеным!»

Тидым
колын,
Пампалче
воштыл
колта.
пўйжө
гыч
кишыже

тўргалт возеш. Сип чодыра волгалт кая.
Вуверкува оръеным пален налеш.

Умбакыже действий кумдан палыме
«Ший пўян Ший Пампалче» йомак негы-
зеш чоңалтын. Ойыртежат уло, санде-
не лудмыда годым таңастарен кертыда.
Мучашыште кава гыч Юмынўдыр порсын
шўртым колта, Пампалче кўшкө нўлтал-
теш.

Да Пампалче шортын колтыш –
Чеверласыш мланде дене...



Ўпшө лапчыкын кечалтын,
Нерже – сагыле, туп – пўгө,
Но тудат каяс оръенлан!

Ф.ЛЕБЕДЕВАН сўретше-влак.



Нуктуж клубышто «Шыже блюз» лүман модыш кас лие. Тушто онай деч онай конкурс-влак эртышт. Мылам «Шыже королева-портретше» лүман конкурс поснак келшыш.

Полина МАРКОВА.
Звенигово район.

Ой, кертыв вет!

Уремыште игече сай. Лач каныш кечылан келшен толеш. Лум ночно. Тений икымше гана лум мөчöрым ыштен шындышым. Тыгет ончем, тугеат шекланем. Лум гыч ыштыме айдемет мыланем пеш келшыш.

– Ой, пеш кертатыс, – мокталтыш эртен кайыше Костя чочой.

Максим АЛЕКСЕЕВ.
Морко, Коркотово.

18 ноябрь

Йүштö Кугызан шочмо кечыже. Марий Йүштö Кугыза Российыште 6-шо верыш лектын.



Ке

Ва

Пе

Ме

Ка

Та

Ик слогым шындымек, мут-влакым паледа.

Кристина АРХИПОВА.
Морко, Паймыр.

21 ноябрь

Саламлалтмашын тўнямбал кечыже. Тудым 1973 ийыште Небраска американ штатыште илыше изак-шоляк Майкл ден Брайон Маккормакмыт шонен луктыныт. Тиде кечын кажныже лупалыдыме ег дене саламлалтшаш.



19 ноябрь – Пөр'ен-влакын тўнямбал кечышт. 1999 ий гыч палемдалтеш.

Надя Антон Арсений Салика Талвий Лёня
Орина Аурика Люся Лада Галя Айгуль Соня
Снежана Олег Люба Виталик Лида Элина Лилия
Кирилл Айвика Инга Кайрат Влад Матвей Нина
Эчук Ника Вера Игорь Регина Роберт Адам
Дарина Рита Ева Аурика Ульяна Алина Карина
Никита Аяна Дина Дана Зина Альбина Изерге
Лёша Вероника Роман Настя Эльвира Руслан
Эля Данил Олеся Юлавий Айнура Оля Эльмира
Люда Зоя Давид Илья Глеб Арина Светлана
Вова Сергей Егор Марьяна Таня Тоня Гоша
Эрвий Коля Лиза Лаймыр Марий пөр'ен лүм-
Маша Марк Кугерге Зина влакым кычалза.

Зонтикым


кок гана шонен луктыныт: икымше гана – Акрет КИтайыште, вес гана – Английыште. Нуно мо дене ойыртмалтыт?

Марлашке кусарыза:

сила, плечи, жёлоб, ромашка, ножницы, клён, ястреб, весы, корень.

Артём МОЧАЛОВ.
Советский, Ўрша.

В



12 ойыртемым му.



Индекс: Марий Элыште, Пошкырт ден Татарстан кундемлаште - П4696. Тираж 1000 экз. Заказ 2344. Формат – А-4-8. Директор-тўн редактор Л.В.СЕМЕНОВА.

E-mail: yamde_lii@mari-el.ru, yamde_lii@mail.ru
Сайтын адресше: yamde-lii.ru, Тел. 45-25-49(факс); 45-22-82.

выктыме. Типографийын

УЧРЕДИТЕЛЬ-ВЛАК:
Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казенный предприятий.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч са- адресше: 424006, Йошкар-Ола, Строитель урем, 95.

Газетым Массовый коммуникаций сферыште да культур наследийым аралымаште законодательством шуктен шогымым эскерыше Федеральний службыв Приволжский федеральный округысо управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.

0+

Печатьыш пуымо жап – 14-00, фактически – 13-00. Ак – кутырен келшыме почеш.

Авторын да редакцийын шонмашышт түрлö лийын кертыт. Серыш-влак мөнгеш огыт коллат.

Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20.